

王文敏公遺集

王文敏公遺集卷第五

福山王懿榮著

吳興劉承幹編

正讀亭詩

秦權秦量歌

陽翟一兒畢六王三十六郡土芒芒錙銖必校謹權量
不壹歉疑一四方諸侯黔首奔不遑成功盛德稱始皇
臣斯去疾氣囂張金石刻畫未渠央天道忌盈而惡強
一世二世軼道旁區區文字何足臧至今寶之銅且香
勿紆勿疑史公荒也之作殿亦尋常紀地紀數事務詳

盈虛消息費平章安得華裔混一盡康莊風雨時節順
陰陽詔書無事國富昌

潘伯寅侍郎師滂喜齋榻先秦彝器歌

司農堂前百寶羅乙爵辛卣柏擊摩周季保彝季念鼎
邵鐘魯鬲斚王盃更有召中生妣鬲世間此物存豈多
鰕生登堂榻百本青瑣翠墨親摩挲攷文釋器徵所出
長安易水太山阿卣曰父辛爵曰乙先後毫社追猗那
爵上土花沒瑤飾一文當柱形如禾中流及緣作亞字
朝餞饋獻應同科乙辛柔日皆內事古器父乙父辛等
欵識舊說爲造器
人名阮氏請爲作器次第案曲禮外事用剛日內事用
柔日鄭氏注內事如宗廟之祭是陳氏注剛日如甲丙

戊庚王柔曰如乙丁巳辛癸案辨器有作文父
日辛烈考曰庚等識則甲乙明爲紀日無疑古義簡

所無枝柯

父乙爵父辛卣

更有一器特精好是名曰盃讀如和

說文盃字下五味盃羹也初學記卽引作和王氏說文句讀謂盃疑後入從禾得聲非後起

我於音學無偏頗世人爭詢歌麻部盡隨娑婆改娑婆

尤附會者週泰均寧知兩疊釋非訛

近人釋齊侯壺得週泰均三字韻學

家附會爲周七韻甚于說古無歌麻者及得齊侯中壺則又爲逆索始三字七韻不能著爲定論矣以知古器文字不可強此文唯繳不可讀姬姝之夫名孰何盃王識誤會如是

一鼎一彝皆季氏忿也保也字未磨

季忿鼎季保彝作鬲召中

君夷裔舊姻生姒薦與蘿

召中

奇者魯內小臣攸陪臣

助祭鏘鳴珂侯生作器登明堂

據文義定爲魯臣助祭之器

駿奔欲

奏清廟歌

魯內小臣繫

更從邵鐘識邵後共公庚興謚靡佗

邵子公族美田事不須赤芾兼琫戈作鐘八肆窳四堵

革亦曰鐻

文引說文爲鐘字

鼓則鼙傳聞此鐘出岸曲當隨沂

泗入黃河

邵三鐘

司農讀書天祿閣古文奇字共切磋從

茲蒐采富藏弄大收倉籀窮義娥媿余裝治止墨本匱

筭滲潔生青蠅是日揭者人盡酒吳

清卿孫問驚

二胡

甘伯石查顏已酖

之采秦刻石歌

秦始皇帝廿九年東窮之采勒其巔刻石忽亡跌不存

土人謂山上臥石爲跌實則泰山尚無跌也

璫槌無用心茫然宋庠學士得

片木海上今無一紙傳傳聞此石沈海底又云墜落山
椒間弄潮兒覓覓不得風吹海立濤怒環當年意規千
萬礪金石刻盡丞相李一自漆鎧照祖龍上蔡黃狗牽
去矣吁嗟乎嶧山野火岱石殘瑯琊半面荒台圯汶陽
有譜久無徵徒傷往事懷劉跂君不見六經四十三萬
字秦灰不燼今猶是

得邵瓜疇磁方印文曰邵彌之印質乃宋磁瓜疇
得之重雕己名也紀以四絕

風流已矣邵瓜疇老去梅村憶舊游標格於今留鐵筆
果然瘦鵠與閒鷗

塵封土齧未模糊
繪出豐稜瘦且迂
想見獨清人皎皎
可堪愁絕到妻孥

琢玉花磁蟹爪紋
鑄成小印篆陰文
勝他亞字襄陽老
磨損殘銅押練裙

小字僧彌記我家

晉書有王僧彌

又教此老擅聲華
猩紅押角

泥金扇輸與韓康
落畫叉

文登于漢卿舅祖藏爪疇畫一泥金便面正用此印

感懷

生爲晚近人造物
有深意伊周匡世
勲孔門傳心祕勲
迺誠所鍾祕惟仁
是置俯仰今古間
後事師前事

其二

春氣破空來海水與天際海涵並春育所工在遠勢滄
海一何深陽春一何麗窗隙泛駒塵吁此人閒世

北上

春暖意閑閑車行一望閒遠煙明似水深樹穩如山野
市知情僞村歌辨往還長安應日近人物忽爛熳

消夏六詠和潘鄭盦侍郎師

搗銘

尋鼎從何得名山與大川樵來文不識姬孔未生前

讀碑

裴岑以後碑止此沙南石重訂侯獲名先生今六一

論印

刀幣與彝鼎斯文並可觀我今見周印據以補周官

品泉

古文泉最壽傳會到義皇若說漢新莽錢中合作王

還硯

墨妙斷碑硯一朝去復來何當收費鳳重續小蓬萊

檢書

宋元慎雕刻文字惟求舊散盡千黃金猶難一時購

題張菊如爲潘侍郎師摹鄭康成像

曾從掖塾瞻遺像名筆盛傳羅兩峰也似化身千萬億

無南無北一儒宗

羅拜能教異族馴於今後學見經神無筵犬酒官家事
況更初秋屬誕辰

游學家貧父母容傳多不字憶凡庸范書宋槩仍無誤
豈獨金摹唐石從

許王異說紛紛息曲阜溫經亦押衙獨有禮堂真嗣響
三千年後出棲霞

謂牟先生庭相

九日慈仁寺毘盧閣登高同周杏農謝麀伯何鐵
生陳六舟朱肯甫張孝達董研樵陳逸山

九日秋將老慈仁試一攀同游半華髮到處數寒山醪

飲何妨醉愁心不可刪今朝樽酒美東海碧如環
郎潛今十載佳節每登高猶有秋花晚能令野興豪井
欄尋古刻像軸辨新毫明日看詩處奚奴漫惜勞

夢

晨昏有蒙景醒睡亦若斯奇哉莫如夢此理邈難知所
遇匪思議憂樂無常期有知良有覺觸事竟不疑若醒
而復睡或接抑或離恍惚中有物異趣時以滋善哉莊
生言栩栩蝶爲之

盆花

牀頭幾卷宋麻沙窗外秋風噪暮鴉最是疏櫺斜透日

輕黃一抹上盆花

題膠州高南阜松山一角圖卷子

從來未蓄南翁卷喜得松山一角圖但使有山如此畫
不從人海結蘊廬

淡黃茅屋深青樹更有凌霄樹上開試問此間著誰可

文園小印主人來

南阜山人曾藏有
司馬相如小印

墨點橫排不染烘平林遠樹靜無風巨師家法多如是
黃易訪碑圖略同

黃縣松畦三兄以年刻陸宣公奏議初印本贈行

復謝

晚飯正酣石首魚忽傳小簡下庭除行囊如此不蕭索
一串新茶陸九書

馬嵬驛

往事何須刻意尋千秋荒塚夜沈沈雨淋鈴曲曾知否
悽斷三郎此際心

明皇忒不自聰明七夕一宵心太平若使當年深解悟
長生殿上說無生

碧落黃泉何所期世間更莫怨生離石壕村裏夫妻別
猶有天涯相見時

六龍迴蹕淚如鉛村姬翻嬴看鞞錢至竟美人懷舊寵

擘釵分鈿下瑤天

子規

庭前老樹因風響窗外青山帶雨橫一枕新涼天欲曉
北人初識子規聲

遊火峰山

路轉灘聲急峰迴澗底空如何春二月黃葉自山中

遊竇圖山

圖山勢比劍門雄迤邐諸峰列壁同最是寺僧飛渡穩
平懸一索兩山通

新繁龍臧寺雪堂和尚含澈招同柯鳳孫劭恣鄧

文甫質兩孝廉家十五兄游東湖觀梅

蜀國東湖竟眼前我來正是早春天詩僧合作林間主
佳客能參句裏禪野飯味兼蔬筍下新晴暖到衲袍邊
寒山拾得終成佛管領梅花十萬年

龍藏寺訪古留題

鐵輪欵鑄紹熙字壁柱工題成化年平地竹高三四丈
卻疑春在萬山顛

昭覺寺留別雪堂和尚雪堂招同顧子遠復初鄧

文甫質爲作餞

去城十里不知寒行盡秋林滑滑灘一帶橫牆藏寺院

四圍修竹亘闌干，食僧二百飯鍋大。
坐客兩三酒律寬，幾日放晴我將去。
恩恩策馬又長安。

鹿頭關懷雪堂和尚文甫同年

寶光寺裏離筵晚，稚子碑前客意閑。
今日懷人在何處，斜風細雨鹿頭關。

病中寄雪堂和尚

恩恩一別兩經年，坐對高秋意惘然。
稚子碑前牽客日，鹿頭關上寄書天。
近從病裏常生悟，自悔閑來不解禪。
今古詩風真在蜀，雪堂舊字屬坡仙。

病起卽事書畧同人並索和詩

廿年冷宦意蕭然好古成魔力最堅隆福寺歸誇客夜
海王村煖典衣天從來養志方爲孝自古傾家不在錢
墨癖書淫是吾病旁人休笑米顛顛

劉子秀明經紀行詩四首曹竹銘殿撰以素冊書
之屬系以詩

早傳秋草寒星句且對瓊瑤百遍開幾首山行初賦得
狀元親作寫官來

更聞佳話喜如狂一夕詩風起海鄉珍重諸君留好句

濤音今集有漁洋

聞掖縣同人
起詩社甚盛

子秀贈余一古鏡復答以詩

曾對窺鸞舞鳳臺何年剗剔出蒼苔於無字處勤磨洗
便逐明光日色開

北上有感示同行郭仲泉廣文

往事怱怱一夢過於今四十四蹉跎貧原非病何妨久
懶足勝人亦自多身世榮枯原上草心情皎潔水中荷
共君旅店成酣睡莫問鄰家子夜歌

同郭仲泉廣文渡濰

今朝真與郭同舟風雨瀟瀟昨已秋

七月朔日

濰水中流天

正午溼雲如墨壓船頭

山下

雒河陰雨水連天山下泥沙不見田一騎人來深沒馬

還如黃嶽浴湯泉

在郡得沈確士尚書書
遊黃嶽浴湯泉詩綾幅

記朱留村店劉生語

劉生老而不中遂
充店商年六十矣

朱留村店老諸生炊黍牽驢帶笑迎西北河高人斷渡
東南風緊雨難晴明知春夢心猶動猝遇秋霖住亦驚
卅載槐黃吾憊矣使人顛倒是科名

昌樂城外遇雨中途再晤嘲仲泉廣文

纔過沙灣復水湄午鷄聲裏雨絲絲一車二僕同泥淖
請看先生獨立時

重到濟南

二十八年心事違憶隨此地策征騑咸豐庚申隨侍到濟時子年十六也
先君到處留詩墨重對湖山淚滿衣

昇陽觀小住

山行半月雨如麻纔得湖邊道士家若遇髯蘇應謔語
強隨舉子踏槐花

老僕已歸泉下去

謂老僕朱壽庚午隨以來濟

窮途重向雨中開回

頭十九年閒事前度劉郎今又來

觀明湖漁者

幾番秋雨幾番風一樣漁簑釣不同只解笑人身入畫
那知我亦畫圖中

憶察罕格根

客裏逢迎心已煩最思竺法住修門燒春濃美豬頭熟

此去京華朔格根

華蓋羈樓京師黃寺三年貧困至不能成行余爲寄書張孝達張朗齋兩

督撫各贈以千金

德州城西登舟北上

爲謝泥塗苦扁舟不妨稱心紅脫飯遂意黑甜鄉擁
被看朝旭披衣怯晚涼一身如作繭宛轉此中藏

記船戶王朝義父子語

相對話家常船家父子行今年耗夏布去歲剩冬糧主
客三升米衣衾一器漿迎風爭上御泊雨覓深藏舵尾

晨烘煖航頭夜睡涼剝漕裝載重到衛顧人忙覽緯知
勤惰聽篙測短長灣來頻轉櫂潮退便看倉蓄菜畏村
遠堆薪恐路荒乾魚留奉母洋火帶還鄉昨買鷄多子
新醅酒出爇晚閑成薄醉歡樂未渠央入耳言逾密捫
懷境自傷有生都若此貧賤亦何妨

船中靜坐有感

百不如人兩鬢華長安居久若爲家可憐一病成秋境
滿耳蟬聲滿眼花

食鯉

豈其食魚必食鯉居然渡潞得雙尾呼童開釜手一簞

白膏如乳河心水

馬頭舟次初見西山

微茫煙樹有無間
老鵲盤天去不還
一帶歸雲紅似火
船頭斜日見西山

卽事偶感

重裘猶怯曉衣單
殿館新晴雪未乾
漫說玉堂天上似
從來高處不勝寒

庭院沈沈二月時
猩紅簇上海棠枝
晨光明似清泮水
不管春寒且覓詩

碧桃花下清明節
底事家書慣不來
昨夢乘風破浪去

滿山鐙火是煙台

梨花一樹垂垂白
纔見游蜂儘日忙
雪鬢霜髭四十七
安排筆硯試明光

寄雪堂和尚

八十餘年老雪堂
五千里外古江鄉
詩情已逐親朋散
春夢還連日月長
蕭寺夜游成故事
東湖天煖正韶光
無端相憶便相寄
泥上飛鴻已渺茫

食鮮楊梅荔支
楊梅豫甫侍郎立山所餽荔支

洪文卿張樵野兩侍郎所餉也

檀心嫩蹙殷紅結
玉乳新苞漲白胎
驛騎筠籠方卻進

飛輪一夕海天來

苦雨東張樵野侍郎

屋小如舟地亦窪
近窗齊長水荭花
科頭終日擁書坐
費得冰消幾碗茶

夜來水氣暈花觚
晨起濃雲四面鋪
院落聲聲檐滴滴
一盤蛛網萬千珠

不寐

百不如人意轉驕
卅年京國舊簞瓢
晚來但盼成新夢
暫可無愁度一宵

清苑驛館望月有感

不惜前塵三十年今宵依舊月光圓

同治壬戌五月就姻保定

畫山

乍詠鄭良士對酒初聯李謫仙

時副考為臨榆李子丹前輩

淒雨長

悲門館別

外舅黃公舊寓十家姑子庵街

涸泉時染篋書鮮

長子崇燕以本年五

月短折

輶車自是知恩遇爭奈霜華欲滿顛

定州柳

柳為長山家蔭堂丈知定州時所補植者

長山老子今何在夾道毵毵柳萬株行過定州三十里

一行青翠上眉鬚

過柏鄉

千秋亭北柏人東處處桑麻弄晚風一縷炊煙孤樹碧

敲鐮聲響夕陽中

過邢臺悼亡

前婦黃宜人生邢臺捕署也

泉下吾兒應見汝汝心那識我心哀墨花五十三年後
重過邢臺舊縣來

過磁州

七月谿田尙有花一雙白鷺柳陰斜風來不識香何似
新煮鷄頭三兩家

汴閨秋夜卽事有感

兩行官燭夜簾垂世業家風子細思體格尙知攻軋茁
聲情豈可誤連雌傷心病婦蓬頭日秋試入次婦黃氏每於報罷之次日
擁被朦頭不敢聞街市唱賣題名錄聲云入耳酸楚乙亥丙子兩次正值婦連年病篤之日余每出場歸家便

料理醫藥及兒
女衣食等事

觸目亡兒咯血時

壬辰三月崇燕會試
二三場出咯血滿地

祇有無私堪報

國精神差處萬人知

有感

行年五十自瞢騰身世真如履薄冰
有國有家三太息
好兵好色兩無能
每隨地類虛芻秣
孰絕天驕去葛藤
老我扁舟朝
液苑
蕉園樹下月
鬢髻

題張樵野侍郎運甓齋話別圖卷

袖中一卷皇華什
畫錦圖成墨亦香
長記先生過嶺日

紅旗照海壓南荒

用韓昌黎贈
馬侍郎句

漢使千秋第一人
征袍不染泰西塵
歸來籌國紆長策

要使天驕識鳳麟

用蘇長公送子由使契丹句

孫萊山尙書屬題董文敏臨松雪鵲華秋色畫軸
故鄉風物屬清秋誰使湖山畫裏收如此不歸歸緩緩
海天閒煞幾羣鷗

那堪風鶴留泥爪萬疊愁心不可刪莫捻蘋洲漁笛譜

一聲聲破念家山

海上空闊時有草窗之思與畫若幾不相涉

行抵萊陽城外十五里口占

三月牆頭始見花丹山黃水野人家流雲不散轅鈴急
萬柳垂垂一帶沙

戚武毅公寶刀歌謝萊陽徐明府桂寶同年

昔年曾刻南塘集今朝喜得戚家刀刀輕如紙光如水
兩行欸識秋芒豪上鑄萬歷十年字是時公居薊鎮地
登州戚氏岳家軍鑄刀初成姓爲記憶昔浙閩與三邊
公所到處皆凌煙虜酒朔風不成醉精神炯炯三百年
幾經流傳濟南驛徐侯得之若拱璧銀函未改明時裝
鵝鵝血染苔花碧我今持節過萊陽下馬直上徐侯堂
徐侯寶刀舉相贈知余團練兼禦防千金掛樹生不疑
楚弓楚得千古奇卽今防邊無二義關東諸將何離披
北洋舟師更無論一擲三千六百萬遂令窮島逞天驕
海峽鰕夷任滋蔓朝廷命我治鄉兵徐侯與我同歲

生俯仰東南天半壁酒酣斫地淚縱橫

萊山尙書索題王黃鶴畫山水長幅 此幅見郁

氏書畫記著錄慎獨清賞四字郁氏考爲陳植
題植自號慎獨癡叟以善畫名

多情昔有陳癡叟曾寫江鄉竹樹圖四字留題足清賞
看山老眼不糝胡

漁山傾倒山居甚那識山居是葉龍能下金剛一段杵

香光前後兩仙宗

黃鶴山樵自號香光居士明董文敏適與之同

張子青相國爲萊山尙書作小幅畫冊有常熟師

傳題尙書屬題其後

南皮相國八十三濟寧尙書今六十二老婆婆政事堂
餘暇更勤圖書輯上窮董巨下憚王不讓前賢侈祕笈
相國承平老畫師尙書詩壇牛耳執狎主齊盟四十年
盛時模楷鑄凌煙畫中有詩詩有畫筆參造化示人天
倚窗潑墨亦偶爾從此米家增畫船常熟師傅老好事
追章琢句題連篇我觀此畫悟詩律筆翻墨動非人力
淋漓元氣出真源何在一水與一石收拾金剛此杵中
萬里應須論咫尺畫也詩也皆餘事陰陽調燮原無迹
賤子行年四十九徒然好古空諸有愛詩愛畫本性生
大隱金門將白首詎藉涓流足江海但見真氣驚戶牖

師門授受舊有詩敢以詩爲尙書壽

劉博泉前輩以某公歸裝載石圖卷索題

鬱林檢點歸裝日一葉扁舟對夕曛留得此圖傳逸事
平泉片石說清芬

當年載得元嘉佛蜀道光陰彈指閒更有真如三百座
何年飛上海西山

同李小研太常宗室伯義祭酒遊白雲觀留贈高

雲西道士

常思元本西遊記冀得奇書壓海隅且喜南華眞侶在
那知北藏片經無同來雪鬢霜髭客闌入青松白鶴圖

識取遼陽六字榜吾家百里近賓都

玉京金闕心頭地明月清風肘後方
要使嬰兒還道母須收聖水補天漿
今宵一借邯鄲枕來日重開北海觴
擬解朝簪遊入極與君共醉白雲堂

柯易亭年丈

培元

鏡影圖冊爲文孫鳳孫翰編題

金石精歐趙文章絕島郊披圖勤下拜
先世本神交皎潔知心迹空明出字竄
請看終古月一鏡在人閒

某公妾殉嫡而死徵詩美之卽步某公自悼原韻
肅肅衾裯迴絕塵焚香和藥見天真
一心愛嫡如依母愧煞倉庚療妒人

白結浮提一段塵天親無着此心真卽看書首四言偈

表表循良傳裏人

原卷題首有四言偈爲黃文子壽書

舉第四子崇煥

京曹歲月太恩恩二十八年一夢中但願此兒能長大
半耕半讀作村翁

近事戲成四絕 第三首用劉後村題唐化度寺

崑禪師塔銘韻翁覃谿嘗謂曾疊至四十餘次

者也

千年海岱起英靈名世文章照眼青我向家山乞遺墨

如何如鳳更如星

濰縣陳氏所藏桑梓之遺轉入外省某氏余五年前忽大集先輩遺蹟名

曰海岱
人文

先人舊署蓮華龕喜得蓮花卷一函今日添來經第四

九原如在笑顏含

先公得趙松雪書蓮華經第五卷署齋額曰蓮花龕今又得第四卷於故

相索綽絡

英公家

子書世德紙寬行漢武梁祠卷未亡故物新收二十載

祇今披覽手重忙

明世德堂刻六子一印本寬大黃小松拓武梁祠畫象卷子一皆二十年

前所見物去冬輾轉忽歸余齋

鄴侯架接米家船生小關心夙好牽一自金門成大隱

歲星四十九行年

萊山尙書屬題惲南田畫冊 冊舊爲宗室伯義

祭酒盛昱藏

華亭筆墨自天人，不有甌香孰比倫。
怪煞桐陰論畫者，竟將風調例唐寅。

憚家山水莫深求，此事曾因石谷收。
筆似蓮花字似玉，清暉坐對也應羞。

兩字神交一紙書，寒家先集說相於。
那堪一炬兵荒後，面面屏風盡子虛。

此冊曾從帖估來，王孫祕匿肯輕開。
清貧嫁女求釵釧，坐使蘭亭失辨才。

偶感

豈有雄心輒請纓
念家山破自魂驚
歸來整旅鰥夷散
五夜猶聞匣劍鳴

哭同直順德李侍郎

詔命分題博古詩
老臣濡筆出新辭
可憐一腹東江淚
併作仙毫五色絲

本年九月懋勤殿發下新裝畫院所繪博古圖一軸特旨命侍郎與懿

榮二人分題張貼御書房西暖閣

寢門之外成私哭
二十年來感舊情
不是通家爭屬李

謫仙門下小門生

侍郎與先從兄伯寅咸豐乙卯鄉舉同年懿榮於同治庚午始相過從迨

光緒己卯順天鄉舉出江陰繆炎之先生房薦重修小門生禮與侍郎相見

題萊山尙書所藏吳墨井仿范寬臨安山色卷

一卷精明澄澈筆桃谿詩意此中含問年試檢虞山志

白髮蒼顏五十三

用蘇長公句

臨安山色近何如中有高人夜著書取得華原真綯秀
更參黃鶴一山居

潑墨能如設色鮮天池石壁入宸編若從佛法傳鐙
記前大如翁後半千

塞門大悟二西法石色濃時墨更明八十餘齡渡海去
儼然天竺古先生

題閩文介公墓槐仰梧圖

曾依山館聽蕉雨時傍棠陰學種花

聽蕉雨山館阿堂書屋先祖中丞

公所建懿榮坊
時讀書於此
卻對名圖增舊憶祇今惆悵似無家

孝思如韻匪莪什忠悃尤欽集蓼時箕尾星歸
天語

重鹽梅芳烈紀豐碑

御賜文介碑文懿榮官編修時撰擬有鹽梅芳烈字句

平江吳氏兩世孝行圖爲及門吳穎芝翰編題

劉平趙孝世豈有後來更數平江賢橋梓遺型能繼述

傳志宜續王歆編豺狼橫野沸戈鋌英英植灌爲天全

采風使者闡幽德會使姓名登史冊

題徐頌閣尙書所藏錢南園畫馬

畫爲枯木一株旁有老馬極瘦

削相引
一駒

誰拈秃筆出新圖一洗空凡境相殊當日傳聞抗直意

在除害馬哺良駒

殘照西風野色侵相依喬木亦千尋養成驥德龍驤貴
莫負天荒地老心

敬養區分得孔思更從跪乳見風儀不辭山骨窮殊相
爲寫恩勤鬻子詩

十二天關龍種多連錢照夜帝城過捫君東壁尋釘孔
馬性松姿墨一螺

爲徐頌閣尙書題所藏宋搨虞書廟堂碑長安本
天下虞書此碩果重摹尙見御戈工吾家內史黃銀印
曾否當年押角紅

昭仁無款終難據不比齊州房彥謙只有傳鐙孔祭酒
如鹽於水水於鹽

蘭亭祕妙覃谿通千兩黃金說涪翁城武長安合買本
從來唐搨總朦朧

此碑斷裂寶元初敦物山人未細書片石猶存知宋搨
合歸竹影硯齋儲

尙書得阮文達竹影硯因以自名其齋

秋江策騎圖爲及門翁澤芝比部題

先世神交自國初至今衣鉢更相於我從北學知君日
斜墨數行干祿書

先尙書與鐵林尙書爲文字至交榮會試出常熟師相門下

傳經家法後先鄭名世文章大小蘇準備秋風一側耳

九霄鳴鳳起三吳

題畫師吳秋農行看子

湖光山色共鮮新自有清雄絕世人一卷淨名經底紙
畫師更現畫中身

華亭曾說神猶火光氣能教楮墨豪再十年來倩妙筆
爲君頰上著三豪

樊雲門前輩留別用伯義祭酒送別韻屬次

下策曾經獻治安前年元自失三韓空嗟英衛終無計
慙負嚴徐只備官海上麻衣風物冷壁間花劍雪光寒
老罷暫藉今宵臥莫道中原相見難

何意膠東氣不揚諸君坐視犬羊狂
忍令周室同邾莒爭說西京庸卜桑
莊子漫存齊物論葛仙自有活人方
來朝又送雙鳬去看把桐鄉作故鄉

退直偶感示弟

心是兒時境已非此心空逐白雲飛
劇憐襟上三年血換作五更朝裏衣

題徐花農同年翰編木天清課圖卷

十九年來春夢醒拈毫分韻昔曾經
多君盛事留圖畫要使人閒見德星

圖裏三人三學使更兼一縣洛陽花
他年蓮液成新卷

我亦同驂貫月槎

同直吳燮丞祭酒屬花農翰編爲寫月影丹桂叢

筍便面索題

瞥見重霄起絳雲一輪冰影麝蘭薰
前生曾種鼻功德贏得天香下界聞

蕉園清露點衣鮮曉直同驂太乙蓮
不識東坡羹味美且參山谷木樨禪

吳移香同年觀察陝西將行花農翰編爲繪便面
有紅蓼荷花之屬秋景也卽題其後

夾道疏紅襯曉裝風清月白水雲鄉
看花直向長安去

玉井溫泉一例香

灞橋過了漟橋纔雨霽雲收野色開萬頃荷花迎簞節
使君真自鏡中來

題晉永和六年王氏甄硯匣兼論書脈

唐人僞造二王帖合入昭陵一冢收請認此甄分體字
山陰那得行書留

甄比蘭亭早二年王家姓字篆文堅八分總有幾分在
不似宋摹顏三箋

漢永和同晉永和細看波磔自殊科神君碑末燕元璽
先後分明字未磨

北碑南帖苦分明長笑儀真手眼生
試取上元眾梁闕還參齊魏一持平

草篆猶偕草隸存迥然行草各分門
周銘漢誌尋常見莫厠過庭一例論

退直有感

風霜兩鬢一青氈滾滾東華卅五年
若問我貧天所賦並無陽羨說莊田

饑寒滿紙韓昌黎老屋鐙紅一穗低
卻對塵封千百軸幾經車馬費提携

顛倒衣裳節氣新泥他質庫去來頻
金門中使迎前笑

錯把相如當富人

硃牋脫手墨停磨
又喚蘭舫踏綠波
歸向妻兒相對語
今年新賞寫詩多

題南田草衣小像
像未署款不知爲誰氏臨本

與臨本之所自出不能詳也已亥清明後二日

見於直廬

曾將玄賞例甌香
一樣鬚眉兩代裝

舊藏禹鴻臚臨董文敏小像與此幅

南田面目

五十八年辰巳歲

南田歿於康熙二十九年庚午年五十八

玉簫

聲裏舞霓裳

南田原句

嶽蓮丹彩天仙狀
荒社詩人自解嘲

丹彩誰見珍嶽蓮那堪鬻南田臥病

荒社上程穆倩
句乃以自喻

我見真容應下拜傳家先集說神交

朱野雲祭硯圖卷爲徐年丈筱雲侍郎題

嘉道詩人朱野雲一枝畫筆對禪薰年年酌酒涵秋閣
長賽端谿萬石君

堯圃祭書曾有圖歲朝香案進屠蘇請看一樣金壺汁
上坐帝鴻沈醉無

鼎臣將軍

銘安

養年別墅圖卷

自有林泉在帝鄉先生大隱此徜徉披圖如坐春風
裏花竹分明綠野堂

連番寄語霸陵尉秉燭來遊幸勿呵攜有封胡羯末輩

他年蘭鵲累君多

題陳丹衷畫竹卷爲俞虞軒中丞廉三

沙彌竹譜人間少得此堪稱後勁留我亦庚辰今進士

日參玉版對清秋

陳丹衷前明崇禎庚辰科進士

竹中有棘應須劖爲護龍孫日日安試誦涪翁禪榻語

霜鐘水鏡極高寒

俞虞軒中丞臥遊圖冊題後

釣天三日廣寒遊退直同驂太乙舟

奉勅同日賞戲大臣賜坐液池

船更與先生添畫本

秋風亭下數輕鷗西苑海中亭子有乾隆御

題太液秋風額

爲袁爽秋太常題臥遊富春第二圖卷

萬疊愁心一枕涵
匡牀支處起晴嵐
笑他子久與煙客
纔得峰巒只兩三

大嶺當秋設色工
泉光碧處夕陽紅
尋巖經壑眞多事
都在先生一袖中

陸鳳石閣學仙蝶喜神冊題後 金蘭畦尙書光

梯太常仙蝶圖卷朱本畫舊在吾家道光丙申

八月 先大父中丞公以贈完顏見亭河帥麟

慶

吾家舊蓄蘭畦卷名筆盛傳朱素人紅蓼一叢石一笏

春駒栩栩見精神

蕉園西隙漾晴暉太液春波綠四圍曾傍御花瞻法

相上清一色五銖衣

易質甫觀察屬題明張靈畫梅花天冬松竹卷爲

伯希祭酒所贈又張船山折枝畫冊觀察自記

前身在明爲張靈在國朝爲張問陶

雙屐重尋鄧尉苔前生綺夢記張崔獨憐一卷歲寒雪

曾自王孫祕篋來

時伯希已下世三月

萊守官閒畫折枝風流王宋得同時三生翰墨因緣在

重續吾家學半詩

此冊爲宋于庭翔鳳畫船山集中有與先從伯白海公唱和詩公集名

學半齋

題何潤夫府尹同年雲林聽泉圖卷

記否西堂五字句曾云獨坐卽深山
要知理得心安處祇在清泉白石閒

京國緇塵春夢裡人閒箏笛耳根前
披圖我亦興高想一聽晦翁碧澗泉

補

丙舍

搖落此心悲人窮何所歸呼天身莫贖
處世事相違雪掩黃山徑風穿白屋扉
今朝晴有日只見嶺雲飛

京邸

幾日絕溫裾金門此隱居
瞰家貧似罄訴我富多書風
木餘生感冰淵到死儲童烏
猶未返終夜此躊躇

孫君康年以先大司農公名字石章見貽賦以
報謝

尙書清節衣冠後小印依稀在海鄉
自是平泉堂上客多君重使入青箱

松溪三兄屬題載書曬書祭書勘書四圖

涉園一水盈盈隔

松溪里居所造一園牆外有小溪一道號曰涉園

但見舟人

日欸關我有珍珠千萬斛
飛輪

輪船由天津抵福山不一晝夜便到片刻

抵家山

載書第一

岳雪

日本印書最上紙名

曾留日本真

楊惺吾廣文隨使日本所見彼國收藏宋元槧書精

印本

每用西法照印

建安文史比精神

宋慶元間建安黃氏敬堂所刻

一葉

名曰留真譜

刻印極精近

來日日本精刻各書紙墨似之

關防

押角新

榮所得宋本劉後村集每冊有明人鈐記文曰隆慶壬申夏提學副使邵曉理書

曬書第二

我今一盞膏騰酒不祭長恩祭賈胡但使腰纏十萬貫

寒風酷日省工夫

祭書第三

警校堪資劄記材輕芟妄改古今哀年來議下顧千里

準擬惟輕闢草萊

勘書第四

長夏感懷口占呈松溪三兄

全家蜀府逾三載，獨歷京曹自五秋。
每使人看作馮婦，不堪妻病是黔婁。
典衣還惹羣書債，折券時蒙小賈羞。
如此壯年如此度，爭令二老見窮愁。

王文敏公遺集卷第五

王文敏公遺集卷第六

福山王懿榮著

吳興劉承幹編

福山金石志殘稿

周

齊三字化土範

出小汪家村

範正面列刀二面皆面文三字首通流道長逕

寬字已模胡與青州臨菑所出者同

齊四字化

出縣城外

齊三字化

出山兒汪家

村

醬和連關鈐

現存福山王氏

古陶殘字

出古城壩

合 不知何器僅存殘片

木 同 字未完

斨 似瓦背之殘者字在其上未完

秦

芝罘東觀刻石 篆書 始皇二十九年

之罘刻石 在之罘山 佚

維二十九年時在中春陽和方起皇帝東遊巡登之

果臨照於海從臣嘉觀原念休烈追誦本始大聖作
治建定法度顯著綱紀外教諸侯光施文惠明以義
理六國回辟貪戾無厭虐殺不已皇帝哀眾遂發討
師奮揚武德義誅信行威輝旁達莫不賓服烹滅彊
暴振救黔首周定四極普施明法經緯天下永爲儀
則大矣哉宇縣之中承順聖意羣臣頌功請刻于石
表垂于常式

東觀刻石

在之果山

佚

維二十九年皇帝春遊覽省遠方逮于海隅遂登之
果昭臨朝陽觀望廣麗從臣咸念原道至明聖法初

興清理疆內外誅暴彊武威旁暢振動四極禽滅六
王闡并天下舊害絕息永偃戎兵皇帝明德經理宇
內視聽不怠作立大義昭設備器咸有章旗職臣遵
分各知所行事無嫌疑黔首改化遠邇同度臨古絕
尤常職既定後嗣循業長承聖治羣臣嘉德祇誦聖
烈請刻之罽

之罽山秦篆遺文

宋廬陵歐陽修集古錄卷一 右秦篆遺文纔二十
一字曰於久遠也如後嗣焉成功盛德臣去疾御史
大夫臣德其文與嶧山碑泰山刻石二世詔語同而

字畫皆異惟泰山爲真李斯篆爾此遺者或云麻溫故學士於登州海上得片木有此文豈杜甫所謂棗木傳刻肥失真者邪

宋東武趙明誠金石錄卷第一目錄第三十五秦之罘山刻石卷十三秦之罘山刻石 右秦之罘山刻石案史記本紀始皇二十九年登之罘山凡刻兩碑今皆摩滅獨二世詔二十餘字僅存後人鑿石取置郡廨歐陽公集古錄以爲非真又云麻溫故學士於登州海上得片木有此文豈杜甫所謂棗木傳刻肥失真者耶此論非是蓋杜甫指嶧山碑非此文明矣

之罘在秦屬東萊今屬登州

二世詔書刻石

二世元年

半兩錢文

出河北村古

城壩

兩甬錢文

出河北村

漢

半兩錢石範

三銖錢石範

出古城壩

列錢四行每行爲錢八枚文曰三銖旁行斜上中有
流道一線正中首餘空地約三寸許背畫縱橫界方

紋長逕八寸五分寬三寸八分厚四分

三銖錢範殘石

僅餘殘角一方列錢二行六枚陰文同前字尤精緻
背已爲村童鑿爲硯

半兩錢

出古城壩

五銖錢

出河北村

育黎右尉印

現存閭縣
陳氏

牟平余千塲

出古現村

古陶殘字

出古城壩

殘瓦

出古城壩

萬字殘瓦形製文字與臨菑掖縣所出千秋萬歲四字瓦相同四角閒以花文字體篆書此特存一角止
一萬字

唐

出古現西河

唐夔字係分書當是人名

晉

太康二字磚

出石嵐村

分書陽文二字

唐

騎都尉徐仁禮等造七級浮圖刻石

在塔寺莊太

平庵

開元七年十一月二十七日

後周

香幢記

在岢嵐寺

廣順三年五月 日

宋

歸化鄉諸紀保舍利院故大德尊幢記 在朱巖寺

開寶四年十一月十一日

大宋登州牟平縣歸化鄉諸紀保舍利院故大德尊
幢記并序沙門惠口撰并書原夫能仁應瑞降神於

白淨王家調御丞時誕慶於無憂樹下九龍灌洗七
步蓮生驚天祠以捧迎悵仙人之口泣出沙門而遊
觀睹老患以噴嗟倦歡樂於王官夜諭城於雪嶺揮
寶刀而落髮擢淨域以安然證解脫於圓通悟菩提
於般若遂使魔軍起信天眾口口口口轉於法輪興
眾口聞於四拜自此玄風大扇法雨旁流門開於八
万四千教被於恆沙百億示口口口口口泥湛口
默契之圖下定四禪之口樂金容閃爍口汗復子唐
連芳接軫或精理論或善嚴持奉律修禪成口無泛
口案節口故和尚曩生修種省悟有時叶律明禪昌

隆後嗣偉儀法俗□□□生於當縣□龍龜鄉之
靈崇義□□祖隴西人也家傳白業世習儒風五千
之玄要潛通三百之□聲宏闢□因□□寓於膠壩
繼祖成家綿移累代矣和尚以天機儔詰性本英靈
棄竹馬於髫年効聚沙於卅歲夙祛恩鎖深割情魔
厭俗□之浮華慕空門之道德出家於本州開元□
□不動尊院金剛座主爲受業和尚一從入室便悟
投鍼弱年具戒於幽都不貳俄歸於舊寺師緣□寂
歸夢安方訪雲山選窮幽谷有檀越□□□□主
林容瞻攀道德始効鋪金□繼建之仁風紹祇陀之

信義冀彰白業請住茲山敞口深沈增修口口他山
市木海外掄材四十餘年苦辛修葺鼎新革故院宇
口然裝飾眞容金姿煥赫歲當乙酉運口緣空權口
墻埵未遑幢塔時有門人口口師口口法孫道口口
共明玄機効慕酬恩彰報口姿莫先幢塔杼柚已有
口口口口口至骨以潛然泣口壇而和口叩懇祈念
科權棒靈珠悲喜渡口者增口口口擅神智石選瓊
瑤磨礱之瑞獸連環口刻之禪花匠匠也東罍口口
口口口口口之竟口口珠四望之口口如鳳翔
寶像瑞口權止口嘉山檀那少慕於口口瑞相口口

□□師濬□□□師淨□□桂長同園俗門之
遊子連芳傳奉之□堂□□□□□□□□
□□□□勘匪曾匡幽宇棲神□皋合靈峯限□遷
神靈骨迎□□清陽□□□□□□□□□
特咨高顯□禪師□俗姓于氏□善人也自幼披緇
年周□□□□□□持綱准無虧□修□□□
□□□□無度四遠欽承高低慕□不□遷□□限
□□□□□□□茶毗靈骨瘞□□□□俾巾舄
結□瓶盞始終無乏恭□窰鬼權依于龕室□□
□□□□□□□溫□□□□之資□共成於幢

塔是旌景行刊□尊嚴□冀將來因□遠劫□□□
□□□式展衾□藏厚地命□寶錄用紀動□□□
兼旌揚道德乃爲頌曰 共闕近二百字

□法相傳出爲宗□成自□□□□□在□□□
在聖神聖隱顯□□□聲□□□遺真來往玉
瑩秋□冰涵春□式以□□□乎□□□尊幢
同永萬歲于□長□□□□□ 共闕四十字

時開寶四年歲次辛未十一月癸巳朔十一日癸卯
巳時建 道人陳業男仁迪鐫

比丘小師讓小師講准提終師進法師講金剛經道

通道口道堅口口尼小師口意善口善明守志守嚴
資福禪院主僧延惠樂口龍福禪院主僧德忠比
惠省惠端比丘尼德澄尼秀緣德嚴延口口先師俗
主孫子造孫女口口蓬萊縣口口口鄉貢進士澄
孫子鄉貢學究兄邦孫子海口家院主尼全福小師
口院主俗春姪子口于岳于寶姪女唐郎姪女劉郎
口口法口口大德守口口

塔主口口口壽口口亡妣口氏兄延遇延進延達口
口孫度口口兄延口兄延口 母親口口氏

舅董斌

檀越林口口男趨男勤孫子彥英孫

鄉貢□□□器彥深

闕十一字

檀越承奉郎前守單州司戶參軍林允期林處華外
生單□男延□延□新婦于氏嫂劉孫功

檀越王朝舉王眷王哲于蘊于進王濱 蓬儒王宏

道王宏進王仁浩

檀越孫俟前攝長史唐蘭唐詡唐嗣唐盈唐林唐弼

唐儀前攝長史唐寶□□□唐賢臧翰男延卿延

斌妻楊氏□□前攝長史劉岳前攝兗州別駕劉選

鄉貢學究唐瓊□□□唐華 前攝司馬姜讓前

攝長史王傳□邵 邵翰于德于□瑜處士于洽

金

金堆山院記

金堆寺廟向西

皇統九年四月旦日

碑陰有金堆山院之圖

金堆山第一代長老海口塔誌銘 金堆寺

正隆三年十一月十六日

□□□□石塔銘

嶺壚寺

正隆六年八月 日

八面石柱

尙書禮部牒

剏安寺廟山門

大定三年十二月

半截

又

哈嚧寺

大定四年

八面

又

黃山院

大定四年八月

八面

常公法師墓誌

哈嚧寺

大定十四年

重陽憫化妙行王真人詞

通仙宮

大定癸卯

黃籙大醮記

通仙宮

大定癸卯三月望日

和東坡海市詩

通仙宮

大定癸卯三月晦日

周顯德尙書祠部牒文刻石

通仙宮向南

大定二十六年九月

又

通仙宮

大定二十六年

又

黃山院向西

大定年

圓明禪院記

黃山院向東

承安五年四月

持念大德舍利尊幢

哈嚧寺

大安二年庚午

八面

廣公戒師塔記

哈嚧寺

大安二年十一月十二日

八面

大金登州福山縣洪福寺壽公法師靈塔銘

在奇山寺東溝崖

大安三年九月二十五日

大金登州福山縣洪福寺壽公法師靈塔銘并序

七字又

東牟野釋休塵道人撰

九字序文每

東牟

鄉貢進士孫一傑書

十字

嗚呼生滅之道世之常然雖

凡聖等殊柰理歸一揆昔者至人從

二十

眞起化演

說眞空緣謝韜輝復歸無物蓋隨機所感示現如斯

其

關二

來爲眾生來去爲眾生去之語豈虛構哉矧

於斯能恢宏繼踵者

二十

英奇代有故者法師名諱

法壽俗姓隨氏舊貫仵臺土居人氏家

關二

世祖盾

儒素爲風師稟性英聰幼厭塵冗年甫志學棄俗從

眞禮

關二

是藍榮公爲親教師誦法華秘典爲進篇

業目覽口誦宿記無遺

二十

於大定十九年赴選東

萊業優受具纔圓戒品便慕講筵從法兄

關一慶公

席下服膺歛翼研味教乘唯識因明深得旨趣聲華

煥耀獨

關一

步早年與珂月二公結方外友幾及壯

歲爲人天師迅辯琅琅涌

二十

泉無異戒行清白渾

貫始終美譽驕馨四方歸仰適下院廣福荒

二十涼

闕久於泰和初師承諦構法堂廊宇像設一新以次

之五年口

闕五字

承東郡帖俾興葺文山壽院乃輒從

杖錫口口扶傾工無

闕十二字

廢日偉哉宏壯一一可

觀未幾飄然還住本刹闡宏風範特立常

闕三字

規凡

故者新之有闕者補之乃至莊嚴聖像翫誦靈篇日

益日損

二十字

略無倦怠迄大安改元春有蓬萊常公

傳淨戒不受表其志操擢

二十字

出輩流師一日預警

其徒曰吾將亡矣眾徒駭然曰和尚何謂出

二十字

言也師曰吾昔日登山臨水對月當風未嘗不有清

興今歲

二十字

殆不然以此知其將亡矣豈期大安改

元孟秋十有二日示疾而

二十字

化是日聞見莫不感

傷俗壽五十二僧臘三十二度弟子曰義淨闕一字似孝字

曰義顯曰義琳眾乃口維虔收靈骨焉嚴敬奉遷請

典口儀口口闕六字深卜期安厝延巧匠構貞材營石

擔口以堅口壑清風而遠口闕八字義顯固請銘文奈

友契同風聊爲石塔予素知師之口口口闕七字萃乎

預十科之二玄解教乘口口口也修口口口口口

闕十三字世佳宏吾道口口口口口口口口口口

口口口口口口口闕十字茲景行口口口口闕二加句

靈驗佛頂口勝佗羅尼口口沙口口佛陀波口

譯

曩謨婆誡嘯帝怛賴路枳也鉢口尼姑瑟叱野口馱
野莎咖口

帝怛你野他唵尾戎馱野尾戎馱野娑麼娑麼三滿
多嘯婆口口

頗羅拏誡帝誡賀曩娑嘯娑嘯尾口口訶口口左口
口口口摩素口多

嘯囉嘯左曩阿蜜栗哆鼻嚨口摩呵口怛囉波乃阿
賀囉阿賀囉

阿庾散馱囉尼戎馱野戎馱野口口口麼尾尾奴佛
麼口誡曩

尾林睇口瑟尼曬尾口野尾口口賀婆囉喝囉濕
口散袒你帝

薩嚩怛他誡多嚩口羯口娑吒波囉蜜哆口囉尾
薩婆怛他

口多唎唎馱野地瑟吒曩地瑟口多摩賀母口嚩
口囉迦野口

側立普安院希公戒師口塔口
崩豈寺廟東

大安三年辛未十一月朔

八面

鑑公後堂和尚塔記

哈嶺寺

大安三年十一月十二日

八面

元

陽主廟碑記

陽主廟

元貞元年初才撰

曲家塋墓上磚頂

在古現村西原

延祐元年

楷書延祐元年四字磚頂若今轎上錫頂形已殘正
面直中刻字旁刻蓮花二朵

德勝廟碑記

德勝廟

延祐元年張起巖撰

修學廟碑記

縣學宮

延祐五年張起巖撰

文廟學田碑記

縣學宮

泰定元年張起巖撰

祝聖道院記

祝聖道院

元統二年張起巖撰

不知年代

孝順二字磚

出兩甲坡

二字陰文字似唐人石淙詩體

右冊係從大人手稿錄副方光緒乙未丙申間居
先王母憂適邑中修志大人於倚廬讀禮之餘日
事纂輯庚子劫後篋中僅存此稿其稿中詳列原
文及事實者或因原石久佚見諸前人著錄猶可
迹求或原石現在而文字漫漶不可識別則又覓
最初舊拓本錄其存字其原石具存文字完好者
乃僅存其目及年月而已別有當時採訪碑帳及
志中未經收入者附錄於後更爲一卷藉竟大人
未竟之志辛酉二月二日第三男崇煥謹志

補

宋牟平宰張益之等題名刻石

在之栗山康公

墓東石崖下

大觀四年六月初五日

宰張益之丞張伯起尉李復同觀日出海市於此大

觀四年六月初五日

左行

煥案 先公此石拓本跋云光緒乙未夏六月鹿
山宰序班攜同書賈孫二酉訪得又云在今縣境
內爲有宋第四石刻然此石及稿中歸化鄉大德
尊幢記僅二宋石其二待訪

附

光緒二十三年福山修志局採訪石目

志中已收者剔出不錄原
名碑帳現易名崇煥記

哈嶺寺

雍正己酉三月碑

雍正己酉年碑

康熙年石塔

八面

元元統五年墓志

至元十三年墓志

至治三年墓志

至正年墓志

至正十三年墓志

紅樗庵

乾隆四十七年碑

乾隆十二年碑

南楮社善畛村香山庵

明正德年碑

黃山院

明正德三年碑

巨格莊西廟

乾隆五十九年碑

會禮村 一名回裡村

元元統二年石獅

集賢村敷泉山

乾隆四十六年碑

集賢寺

乾隆四十六年碑

端駕廟泰徽寺

乾隆十年碑

塔寺莊泰平庵

乾隆四十三年碑

西阜莊劉氏塋

明正統十二年墓志

王女墓志

兩甲莊西廟

順治己丑題壁刻石

金堆寺廟

康熙十七年碑

乾隆五十六年碑

元至太四碑

明萬厯四十年碑

隆慶年碑

崇禎二年題壁刻石

崇禎九年題壁刻石

康熙五十二年題壁刻石

西阜莊三元宮

順治十年題壁刻石

順治十年碑

明萬厯庚申年碑

門樓北閣

明碑

無紀元年月

明題壁刻石

二無紀元年月

觀音庵

雍正十二年碑

道光十五年碑

周家峴菊花口

同治元年碑

石井村

明萬厯碑

哈嶺寺

續訪發見之石

順治十二年題壁刻石

順治乙未題壁刻石

康熙三十七年碑

雍正七年碑

嘉慶六年碑

道光六年碑二

咸豐八年碑

明萬厯十一年碑

萬厯三十七年碑

松嶺庵

康熙二十六年碑

乾隆四十三年碑

乾隆五十五年碑

嘉慶二十五年碑

崩岌寺

雍正七年碑

光緒元年碑

鳳凰頂

康熙十七年碑

乾隆十五年碑

乾隆十八年碑

奇玉頂

咸豐七年碑

同治八年碑

磁山洞

康熙三十年題壁刻石

乾隆三十年題壁刻石

明嘉靖二十年題壁刻石

天啟七年題壁刻石

曲家溝

雍正十一年碑

小潘家界址

咸豐十一年碑

高瞳村

明天啟年石磬

宋州興隆寺

順治十四年碑

咸豐二年碑

曲家村曲氏塋

元至正七年碑

芝罘陽主廟

康熙九年碑

乾隆十三年碑

乾隆四十四年碑

同治元年碑

虎臥峒

康熙甲午年碑

嘉慶七年碑

嘉慶十九年碑

道光十年碑

權賈村

光緒六年碑

尙屋溝惠濟橋

乾隆四十八年碑

藝經村三元宮

嘉慶二十一年碑

咸豐元年碑

三里巔三元宮

康熙十八年碑

奇泉寺

順治七年碑

明天順二年碑

三指碑村

明天啟六年碑

北官渠

明嘉靖 年碑

石泉洞

乾隆乙丑年碑

嘉慶二十一年碑

鎮泉山

康熙十九年碑

康熙三十九年碑

張格莊

咸豐二年碑

黑石村

乾隆四十五年碑

石泉洞

嘉慶丙子題壁刻石

湘公廟

咸豐十一年碑

牟家庵

乾隆十七年碑

宅院村

道光十四年碑

汪格莊

明碑 無紀元年月

煙台山

舊刻摩崖四大字 造化奇觀 無紀元年月

舊刻摩崖四字旁題詩刻石 三段

崗嵒村

古碑殘石 五

黃塢村

康熙五十年碑

康熙五十三年碑

奇山寺

康熙丙寅年碑

光緒六年碑

明萬厯四十七年碑

煙台山玉皇頂

光緒二年石幢

光緒二年題壁刻石

二

明萬厯三年碑

石朋朋塔頂

元至元三十年碑

芝水寺

康熙五十年碑二

乾隆九年碑

乾隆四十三年碑

乾隆五十二年碑二

嘉慶五年碑

道光十一年碑

明正德七年碑

芝水龍神廟

雍正九年碑

雍正十三年碑

光緒十三年碑

光緒十四年碑

明天啟三年碑

普厚張甲村三元宮

明天啟五年碑

右據志局碑帳爲藍本惟原紙斷爛恐所收尙非
全豹至志局採訪時附有全分原石拓本庚子之

劫悉皆散失今附寫金石志後以誌梗概亦猶張
叔未先生嘉興橋柱題名記之遺意也新學盛行
古意漸失是以恭錄 國朝石刻於元明之前他
年鄉里諸君有重脩縣志者此亦考證之一助爾
崇煥附識

王文敏公遺集卷第六

題辭

此廉生太史寄家叔者余於癸未秋日見之借歸手鈔一冊頗足增見聞也足不出戶者徒生羨耳甲申中秋笏盒記

昨作札致鈍齋託其向廉生索各種打本未知能如願否又記

今時談金石者首推濰縣陳學士介祺次則吾家少保公張香濤制軍之洞若吳丈清卿王君廉生兩家亦廣收博採地不愛寶日出不窮較阮相國吳子苾劉燕庭當時增之十倍天若特償嗜古者之深願使之披討靡

盡也不知後數百年又當如何笏盒又識

笏盒世長以廉生農部叢著見示攜歸校注光緒乙酉

年仲冬七十二叟康書於神明鏡中

江鄧兩本尙多數跋因於書中無涉

重鈔謹從刪略惟訛奪仍復不少江係木刻鄧則鉛印二者相較江本稍善然傳布之惠固同可感煥識

右先文敏公雜記一冊係當時寫稿寄呈吳縣太

天子潘文勤公者元和江建霞太史曾刊入靈鵲

閣叢書順德鄧君秋枚復刊入風雨樓美術叢書

今謹從兩叢書本逐錄編入遺集題詞署欸笏盒

者自前塵夢影錄中考之知爲潘君志萬之字或

卽文勤猶子行也七十二叟康則爲吳縣徐子晉

先生諱康卽著前塵夢影錄者辛酉花朝崇煥謹
志

王文敏公遺集卷第七

福山王懿榮著

吳興劉承幹編

天壤閣雜記

庚辰十二月到家得同縣鹿氏宋搨太清樓書譜翁大年署嵒僧達受六舟藏本鹿丈名澤長曾官寧紹台道當是得於南中者故後家道凋零藏書不少不知售於何許中必有舊本也近年煙台海口估舟如織故家餘物多從此去

閩鹿氏有瓦當及彝器未知何物鹿在道光間亦曾官

陝西得宋贛州本大字文選六臣注殘本七十葉於蓬萊縣城太和銀樓銀估好聚舊書索重值凡舊板必收之此刻闕筆謹嚴 天祿琳瑯所稱流傳者少惜止此數十葉已裝粗冊此本支六房蓮墅先伯家物伯好收書兼好刻書刻有今古文各家注孝經十二種諱德瑛嘉慶甲戌進士官河南安陽令當時所拓西門豹碑較今本多十餘字有牟丈陌人校本書又傳有文天祥手批十七史羣從亂後零落遺書多售於煙台富商及山東候補官

又得六臣注本文選行款卻與宋淳熙尤本同缺卷甚

多皆明繙之一耳得明刻蘇文忠全集亦殘缺數卷皆
亂後所致此爲本房先詒堂侍講公藏書蘇集內有黃
簽言某字勝今本有臣等謹案字樣當出自上方
此本房之第四房也當年收藏書畫甚富直售至亂前
計五六十一年始竭亦不知當年有何物事多爲黃縣及
煙台富商收去以其錦函牙籤插架觀美

祠竈後到府城大雪僅住二日尙未登蓬萊閣此次爲
生平第一次入郡仍未登臨見張允勳所藏本縣境郭
東村所出甌漢琴亭侯國刻石書畫磚瓦多而且精不
及細數卻無一本舊書近年蓬黃福三縣所出之古磚

大約西歸黃縣王穆庵丁彝齋北歸蓬萊張允勦東南則爲煙台之官商取去挖者孫姓販者黃縣王秀才萊掖以東之物壽文萬不能得也招遠黃里沙曾出一大瓦當文曰曲成之旨字甚晰末一字不識黃縣丁氏得之

掖與黃之間有朱橋村常出古物印多逢姓戰姓黃縣有戰君博穆庵得之允勦塹以日主五官之堂及上大夫兩塹爲最

先是十一月間在直隸道上過鹽山之王墅鎮得天保造象殘石一過滄州之五龍堂見造象臥地有字無年

月井斷碑皆甚鉅類唐刻

在村中度歲借居本門長房之有棣堂七八歲幼讀之所也遺書樓惟不許登覽防我攫取新年逐門叩賀見字畫雙欸皆康雍乾隆間老輩率不完竈上香鑪皆成化五彩景泰藍萬厯青花之屬皆破亂追憶當時爲之慨然族中譙聚杯盞湊雜皆雍乾中官窯也間有明磁則直取數枚以來羣以料壺投贈皆盛刀創藥洗之屬若以料壺爲不值錢者有新雅軒古月軒

新年到外家賀節見有瓦研十二字殘瓦也不以見贈又有郝蘭皋丈及先從祖姑婉佺安人所輯宋元明本

史書及 殿本廿四史內明監本多皆一一挖圈貼補
精緻逐卷有校籤粘其上當年聞以七十金得自郝氏
者得來卽置一篋中至今未一睜不准我繙

中間持古泉字畫求售者不一皆亂索厚值亦無一精
物卻之

到煙台住二日得明拓孔宙碑一本漢官私印各一私
印佳凡四界只有三字甚罕見用錢一千餘幾十文

在縣城得張刻玉篇廣均一函直二千先從祖雪舫解
元公物在先尙書府得康熙年間浙總督官封二告示
一窗格間多張廷玉書將來揭取之此時介者不讓攜

也

中表羣姓以舊玉玦純墨色此真玦半高半下不同今之班指余有二先一白此則一黑卽油汭村出土小節墨刀一齊刀五爲贈也

益州人來售古陶濰之杜估來售去古陶乃從益都人得太真實墳又知小汪家村出齊刀范甚多近十年矣訪之得一完者真是一正塼有痕無字浣女溪旁浣衣物也

二月間取道北上過黃縣見松溪新造大樓穿土所得隋大業年長樂鄉□□一器非土非石類白泥燒成佛

家幡蓋頂間物不可名又羅兩峰爲桂未谷所書說文
統系圖原幅又元本吳中

書名忘之甚熟

陽城張古餘

物見穆庵塼古印見彝齋齊三字刀文在背曲成瓦出
書畫箱十許爲之辨別無劇蹟又所藏塼及古泉佳四
日贈我六字刀一見鞠彥雲墓志皇興一象在丁五家
未見得塼甚夥

過濰縣住四日徧訪賞鑒家在陳壽文處三日書畫古
器不具數見所藏朱子楚詞與協卿本裝潢皆同見南
鄭麗珍所藏古泉占塼古印南鄭宋板四書聞壽文稱
之未見槐堂故後家無長丁陳九蘭藏四朱及贛化種

類極多皆泉匯所未收陳小蘭以辦鹽下鄉桑梓之遺
書畫一大宗未見聞有總目得一六字刀十五金又得
高君二字極佳之大量幾專車今尙存西泉家得齊字
博二

過壽光謁倉頡墓又謁本生高祖妣母家李宗丞祠西
泉卽李氏裔壻聞其家有文與可大竹爲壽丈購去在
濰所見卽是李氏彫零尤甚

所得古匱泉範專瓦不悉數并漢印及錢止一齊刀奇
到京僱車至陝西見蘇估得開皇銅碑巨直賒得之見
小蘇估馬估

呈端

孫估文山

所得零星不計十布將全

到城隍廟得明初印本元史殘本缺數十卷有太師英國公印章四明范氏印最佳極破

到川裱成巨冊錢一

千五百得元槧古今均會闕三卷錢四百文先是京師徐估寶文有缺一卷本徐沒後止索十金貧無力取之爲錢筮仙購去自是思之先中丞舊藏一部亂後亦殘在七兄手屢索不與非好之也若湊合一氣便能重完自是恨之余有明刻完者一部亦難得極愛之此又多前一序張香濤錢筮仙本所未有也已卯由川回京過此肆得宋南雍大字明印本魏書北齊書北周書合以舊有之明庫冊紙元本隋書元本北史明繙宋祕閣本

大字晉書元大德本塗改稱乾道本之漢書慨然有集
舊本全史之志惟總須編查裝潢不知何日得閒錢爲
之也過華陰見漢石北周碑在長安得鐵大錢五十極
大範一造象二墓字瓦一過襄城見一路古塼在人家
牆上不得取遇游匯東前輩北上屬代還蘇估銅碑錢
又得一觶爲謝公子物告田二陽文

到川舍弟爲得宋相臣傳元本不全不知何人何時所
刻川省無舊書得諸子鴻漢明人選本新城宗叔翱官
四川見所藏字畫及漁洋遺蹟贈我以漁洋詩稿一紙
寶之又池北偶談原稿十許葉裝之又知縣許縉家有

蔡友石所藏畫卷不少又一卣子執旂

于飛卿大令已履宜賓任未見聞薛錦堂侍郎字畫書
籍多歸之有聖宋文選紹熙公羊張伯顏文選餘記不
晰雲陽令葉慶樞家有魏鶴山大全集宋刊足本又台
州黃刺史號景周忘其名有宋南雍本十七史又好聚
古泉眞贗參半有極大之大觀錢有漢興傳形錢有權
錢古印等物于黃所收凡物眞贗相雜于有武鄉二字
印碯爲蜀漢物朱肯夫學使案臨其處皆見之于以來
麻沙本左傳贈朱乃怡府物黃以顯德錢及別品贈朱
時朱忙而余將行見左傳未見顯德錢也

有一老幕周姓自東而陝而川亡去數十年矣好聚古泉身後蕭條同鄉唐直牧爲余作緣以重直得其家古印古泉真贋相閒盡滌之得周鉞有象形花文又官印三尙新奇錢有太平曆錢百字最奇濮瓜麓同年有此一品曾傲我今乃壓之又知古譜所謂五銖稚錢乃蜀漢錢非梁造特行用至梁耳破此一疑自泉志以來所未有恨不能起子年竹朋兩丈一說之得川估刁姓鐵錢無算且昂竟無奇品有選餘爲錢隄江大令磨出奇品二余未及并收之故也廖估自陝販得半兩十許千內選得一東周錢爲諸家藏東周一泉之冠生砂活翠

文字精完余以厚直得之謝估手得裝印合一對又瓶
二皆奇古土綠甚堅瓶底厚至五寸

成都西關有萬佛寺故址忽出殘石佛象大者高如屋
小者卷石皆無首或有首無身無一完者蜀碧所稱獻
賊鑿去者也兩縣來報出凡百餘家大人命地方移送
今小萬佛寺出資重完且盡整之命余兄弟監其事不
用官家一文不募惟府署出資私囊兩縣助止各二十
千出私囊乃揀得有字殘象三一元嘉極大一開皇一
無紀元又殘碑五七方不成文皆蘇石川石質本鬆此
又似經火而復入土者須甚護惜由海船北上未知如

何斤兩太重也西估寄來牙印二鉛泉印一涅金二中
布第布一十布尙未全計缺序布若壯布則盤山李古
農家燼餘物也別一種壽文夙見之六泉止缺壯泉聞
又出盧布涅金二一歸謝公子一歸吳清卿壯泉西估
沈禿子有一枚售與陝官黃姓此泉眞者唯鮑丈有
辛巳年八月由川北上回京館試到陝西初見楊估實
齋爲陝巨指矣先是過寶雞渡河禱於寶雞祠陳寶之
神願得古器門未啟叩於外到長安得楊估彝一中有
犧形尤佳方鼎一小鼎一觚一小蘇估劍一當爲天下
第一鳥形陽文篆如花如字字下又有花鋒如新馬氏

殿當瓦一古泉古印不具數陳寶之神所祐也望空謝
之楊估爲清卿寄古泉百餘方佳者纍纍興定寶鈔銅
板乃絕品馬估得於河南府李姓者聞又有文選銅板
一葉不知何物何歸

到城隍廟得元諸路本每頁有某路某學字樣殘本北
史與前黑口元本不同愛之錢四百得尤西堂王山史
劉文正畢秋帆字條前年所得元本豫章別集王梅溪
集明本亦在此肆黃殘裝之王全不足奇見同鄉趙孚
民大令出所得 世祖賜某侍郎御筆畫一觸手如
新又劉公馥所記肅刻閣帖七冊非世間所有

見毛子靜李雲生毛出所得十年宅陽一劍見示極佳
此與古銑古劍古幣皆同時壽文知之蘇估言有唐墓
志五六價廉而不能購且不便車行李說一候補人某
藏有唐志五十餘種不過數金一石余亦好之不能購
且萬不能輦致京師須數十大車也皇甫麟一志在內
此魏志也毛李同說謝家一敦已攜入京師尙有一底
蓋全者在候補官韓家韓乃芝孫本家有物許多又扶
風令孫氏有一敦字極多未多拓本月一器也陝西銅
泉范泥范之精者不暇收太多也又一寓公某家有一
大壺字在口謝估在川曾言之此行送女又將冬令行

囊不給又恩恩數日便去不及物色然天下之地青齊
一帶河陝至漢中一路皆古董坑也余過輒流連不忍
去東坡說岐山風物慙此語乃皮相耳東坡未解好古
也然安得腰纏十萬哉若有之決不上揚州得泥封載
國大行印文一可補漢志及各家收藏之缺得執法護
共印五字一皆舊譜所無餘不數

過廣元見金輪石象唐武后也過馬嵬忽夢太真黃病
高顙以青巾扎額侍者內官黑蟒與人間所傳異此夢
語然甚眞叨

過河南府有方估言李紳家有書廿箱字畫廿箱一氣

出售此則耳娛之矣得一玉含蟬與漢印二盧恆豐京
貨鋪前老灘之王估叔文無一物攜來一鼎新出六七
字皆剔壞不准拓索價二百金過龍門兩山夾水卽石
鑿佛凡億萬身文字纍纍嚮所見拓本萬分之一耳入
目卽一延昌像記向無人拓於是望洋而歎安得挾之
以來

到陳州時丁少山爲仲飴親家校刻子苾丈摺古錄見
吳氏裝冊款識及宋元人扎及他書畫皆精絕嫁事畢
將去與少山及家兄知仲謁太昊陵百年前先太常祭
告奉使之地也多古專

此次過陝從孫估手怡得序布直甚廉十布全至此蓄志二十年惟有極精有極漫者然皆眞品也

此中如在川所得漢殘錢枚旁綴畫象若武梁祠者唐小銅碑及西番觀音咒銅飾費西壩出使琉球得佳紙阮文達刻玉識初成印以此紙復贈費西壩本皆劇品不具數

山東專甸多陝西銅器多書亦多不及細檢河南特恩一過耳四川止蜀錢宋錢錢多明刻書亦常有之之眾一山遙遙在目刻刻在心

此中所言各物書爲詳然卷第缺數亦記不清恩恩到

此不及三月日日作千祿字書諸物堆積尙未發篋故
記者便說之耳

師舟行悶來請以草紙批答之交小史亦釘爲一本寄
之何如到家事大且煩便不及此或日後廬中批寄之
亦以所見聞示之不敢上擬論孟亦河汾中說也使後
百餘年好古者得之當奉爲劇蹟未悉吾師以爲然否

王文敏公遺集卷第七

王文敏公遺集卷第八

福山王懿榮著

吳興劉承幹編

漢石存目

字存

羣臣上醕刻石 篆書 趙廿年八月丙寅 劉位坦考
爲文帝後元六年

魯卅四年刻石 八分書 直隸永年西南七十里豬山
五鳳二年六月四日 山東曲阜孔廟同文門西

廬孝禹刻石 八分書 河平三年八月丁亥
山東泗水今藏歷城李氏園

甘泉山刻石殘字 篆書 江藩考爲江都厲王胥塚石
三石 江蘇揚州府學壁

東安王欽元題名

八分書

旁畫鳳皇

山東沂水西南鮑家宅山

祝其卿墳壇刻字

篆書

居攝二年二月

山東曲阜孔廟同文門廡

上谷府卿墳壇刻石

篆書

居攝二年二月

附

美子侯刻石

八分書

新莽始建國

山東曲阜孔廟同文門廡

侍御史李業闕

八分書

四川梓潼西五里

三老諱字忌日記

八分書

無年月有建武十七年及

浙江餘姚客星山周氏

開通褒斜刻石

八分書

永平六年

陝西褒城石門

昆弟六人買山地記

八分書

建初元年

浙江會稽跳山摩崖

司馬長元石門刻字

八分書

建初六年十月三日

山東文登

南武陽平邑皇廟鄉石闕題字

八分書

元和元年十月廿八日 此西闕

南武陽功曹鄉嗇夫鄉文學掾平邑口郎石闕題字

八分

書 章和元年十一月十六日

此南闕

石闕題字

八分書 此東闕

有口王信夫孺子三榜

山東費縣平邑集

永元食堂記

八分書

永元八年二月十日戊戌

山東魚臺馬氏

兗州刺史雒陽令王稚子闕殘字

八分書

四川新都北十二里

陽三老石堂記

八分書 四日

延平元年十二月甲辰朔十

山東曲阜

祀三公山碑

隸書

口初四年

翁方綱考爲元初直隸元氏紫山書院

中嶽泰室陽城口口西石闕題記

篆額陽文

八分書

王文敏公遺集卷八

二求恕齋

少室神道西闕銘並題名

篆書有額

延光二年三月

河南登封八里中嶽廟前

東闕江孟等題名

八分書

河南登封西十里邢家鋪西南

同上

西闕下伊字

篆書

同上

開母廟西石闕銘並題名

篆書

延光二年

河南登封北十里崇福觀

潁川太守陽口泰室闕銘

隸書

延光四年三月

河南登封

中嶽廟前石人頂上馬字

八分書

河南登封

延光殘碑

八分書

延光四年六月三十日

庚戌

山東諸城縣署

孝堂山石室畫象邵善君題字

八分書

月二十四日

永建四年四月

食堂畫象題字

八分書

永建五年二月廿二日

同上

陽嘉等字殘石

八分書

陽嘉口口

殘石陰

八分書

故吏焦蒙等題名

山東曲阜歸山東海豐吳氏

敦煌太守裴岑立海祠刻石

八分書

永和二年八月

沙南侯獲殘刻

八分書

永和五年六月十五日

碑側

八分書

口君口字仲云云凡三行可辨者僅

甘肅鎮西廳煥彩溝道旁

孝子徐口造石羊題字

八分書

永和五年九月六日

山東沂州

會仙友題字

八分書

漢安元年四月十八日

四川簡州逍遙山洞

益州太守北海相景君碑

篆額八分書

漢安二年八

碑陰

八分書 名四列各十八行

故中書省都昌羽忠字定公等題

宋伯望石刻

八分書 四面刻

漢安三年二月戊辰朔三日

山東莒州

三公山神碑

篆額八分書

口初元年二月丁巳朔八

俗名無極山碑

碑陰

八分書 額同

有丁巳朔十日癸酉語

直隸元氏紫山書院

文叔陽食堂畫象題字

八分書

建康元年八月乙丑

山東魚臺

敦煌長史武斑碑

額陽刻並八分書

建和元年二月

字

武氏石闕記

八分書

建和元年三月庚戌朔四日癸

山東嘉祥

故司隸校尉樊豐為楊君頌

有額並八分書

建和二年

陝西褒城東北五里石門

孔廟置百石卒史碑

八分書

永興元年六月十八日
山東曲阜孔廟同文門西

宛令益州刺史李口字孟初神祠碑

八分書
永興二年六月十日

河南安陽

孔謙碣

八分書

永興二年七月

山東曲阜孔廟同文門西

孔君墓碣

額八分書

永壽元年

山東曲阜孔廟同文門西

右扶風丞樾爲武陽李口表

八分書

永壽元年
額存一表字

陝西褒城北石門

永壽殘石

八分書

永壽元年

山東滕縣高氏

韓敕造孔廟禮器碑

八分書
極之月

永壽二年霜月之靈皇

碑陰

八分書

曲成侯王壽二百等題名三列每列
十七行有熹平三年項伯修題名微細不易辨

王文敏公遺集卷八

四求恕齋

碑兩側

八分書 名三列

每列四行

右側人名四列每列四行左側人

龜茲左將軍劉平國刻石

八分書 二日乙酉

永壽四年八月十

瀋子伯口作此頌字三行

郎中鄭固碑

篆額八分書

延熹元年四月十九日 山東濟寧州學戟門西

又殘石

八分書

山東濟寧州學明倫堂

倉頡廟碑

八分書

延熹五年正月

碑額穿右題字

八分書 升題名

熹平六年五月平陵衡口

碑陰

八分書 上其下爲小字

尹碩字忠明等題名尹碩名大字在

碑兩側

八分書 人名三列

右側前記事後題名共四列左側 陝西白水東北史官村北廟內

封龍山頌 八分書 延熹七年

直隸元氏紫山書院

泰山都尉孔宙碑 篆額八分書

延熹七年口月戊口

碑陰 篆額八分書 題名共三列 每列二十一行 門人鉅鹿瘦陶張雲字子平等

史晨饗孔廟後碑 八分書 山東曲阜孔廟同文門東 建寧元年四月十一日

竹邑侯相張壽殘碑 八分書 山東曲阜孔廟同文門東 建寧元年五月

衛尉卿衡方碑 額陽文俱八分書 山東城武學 建寧元年九月十

碑陰 八分書 口口口南郡等題名一列可辨者二

史晨祀孔子奏銘 八分書 山東曲阜孔廟同文門東 建寧二年三月七日

武都太守李翕西狹頌 八分書 甘肅成縣魚竅峽摩崖 建寧四年六月十三

頌後扶風呂國等十二人題名

八分書

西狹頌之後

惠安西表題字

篆書

西狹頌左近

五瑞圖題字

八分書

建寧四年六月

西狹頌之前

博陵太守孔彪碑

篆額八分書

建寧四年七月

碑陰

八分書

故吏司徒掾博陵安平崔烈字威考
山東曲阜孔廟同文門東

沅州刺史楊淑恭殘碑

八分書

馬氏考為建寧四年
七月六日甲子造

碑陰

八分書

口口仲盛等題名二列存十二行

碑側

八分書

禪伯友等題名四行

山東鉅野舊藏魚臺馬氏

李翕析里橋廊閣頌

額在首行俱

八分書
建寧五年
二月十八日

陝西略陽西北置口村南

沙南侯獲刻石陰面殘字

八分

建寧

甘肅鎮西廳

執金吾丞武榮碑

額陽文俱八分書

無年月考為建寧中

司隸校尉楊淮表紀

八分書

熹平二年二月廿二日

司隸校尉魯峻碑

額俱八分書

熹平二年四月日子

碑陰

入分書

故吏河內夏管懿幼遠干等人名二

列每列二十一山東濟寧州學戟門東

熹平殘碑

八分書

熹平二年十一月

山東曲阜孔廟同文門西

武都太守耿勳碑

八分書

熹平三年四月廿二日

陝西褒城

循吏故聞熹長韓仁銘

篆額八分書

熹平四年十一月廿二日

崇高山請雨銘

八分書

熹平四年

河南滎陽縣署東角門

王文敏公遺集卷八

河南登封開母闕下

六求恕齋

豫州從事尹宙銘篆額存二字八分書 熹平六年四月

三公之碑篆額八分書 光和四年四月二日

碑側八分書 處士房子孟口卿題名四行末行全

校官之碑額俱八分書 光和四年十月已丑朔廿一

劉梁碑殘石八分書 存春秋博覽及國之裔兮云云

碑側八分書 歲在辛酉三月十五安陽金石志考

白石神君碑篆額陽文八分書 光和六年

碑陰八分書 上截主簿口音叔道等題名二列下

鄧陽令曹全碑八分書 中平二年十月

碑陰八分書 處士河東皮氏歧茂孝才二百等題

蕩陰令張遷表頌 篆額八分書 中平三年二月上旬 陝西郃陽學

碑陰 八分書

尉氏令鄭季宣碑 篆額八分書 三年四月辛酉 山東東平州學明倫堂

碑陰 篆額八分書 題名存第一列及二列之首一 二字殘泐甚

黃腸石題字 八分書 口平三年 百冊三云云 山東濟寧州學戟門東

嚴季男刻石 八分書 建安六年八月乙丑朔廿一日 四川綦江今移成都

巴郡太守樊敏碑 篆額八分書 建安十年三月上旬 碑陰有宋人跋二則

四川廬山南七里

益州太守高頤碑 八分書 建安十四年

碑陰 八分書

四川雅安東二十里

益州太守武陰令上計吏舉孝廉諸部從事高頤東闕 八分書

四川雅安東二十里

益州太守陰平都尉武陽令北府丞舉孝廉高君字貫光闕 八分書

闕簷橫列題字 八分書 文同上

四川雅安東二十里

豫州從事孔褒碑 額俱八分書

山東曲阜孔廟同文門東

魯相謁孔廟殘碑 八分書

碑陰 八分書 皆出泉人名上截泐甚下一列尙可辨 碑側刻題名四行年月泐殆出唐宋人

孔廟同文門東

仙人唐公房碑 篆額八分書

碑陰 八分書 故江陽守長成固楊晏字仲平等題 名十五行 陝西城固

光祿勳劉曜碑殘石 八分書 山東東平州學

楊君銘殘石 八分書 僅存碑額五字

碑陰 八分書 議口及孝廉等題名一列但人名全 四川榮經

孟瑄殘碑 八分書 無年月 存下截大半 雲南昭通鳳池書院

謁者北屯司馬沈君神道右闕 八分書 四川渠縣

新豐令交趾都尉沈君神道左闕 八分書 四川渠縣

尚書侍郎河南京令豫州幽州刺史馮煥神道闕 八分書

隸釋馮煥碑乃永寧二年立闕殆同時作 四川渠縣東九十里

琴亭國李夫人墓門刻字 入分書 旁畫一鹿 山東蓬萊張氏

益州牧楊宗闕 入分書 四川夾江東十里

上庸長司馬孟臺神道殘字 入分書 今但存上庸長 四川德陽黃許鎮

石廬村刻石 入分書 山東鄒縣孟廟

殘碑陰口口曹口辟夏侯等題名 入分書 碑陽略有 字迹已不可辨 俗

呼竹葉碑 今被燬分裂為四 山東曲阜顏氏樂園

正直等字殘石 入分書 河南安陽學

微遺孤等字殘石 入分書 同上

殘碑陰民故武都太守等題名 入分書 陝西華陰學

懷君等字殘石 入分書 四川灌縣青城山移成都試院

爵千二字殘石

八分書

山東濰縣陳氏

貸用等字殘石

八分書

存六字

同上

殘碑陰故吏王叔等題名

八分書

存五行

近出河南

十月降命等字殘石

八分書

蘭臺令史等字殘碑

篆書

山東青州

朱君長題字

八分書

山東濟寧兩城山移濟寧州學

魯王墓石人題字

篆書

府門之卒

山東曲阜學內甕相圃

又篆書 樂安太守廡君亭長

已折爲二

同上

殷比干墓題字

八分書

河南汲縣

梧臺里石社碑額

篆書

陰及兩側有畫象

山東臨淄

雒陽中東門外劉漢作石師子題字

八分書

山東口口縣署前

琅邪相劉君殘墓表

篆書

尹彭壽考為劉衡兄

山東濟南

高麗平山君祠刻石

八分書

口和口年四月戊午

高麗平安道龍岡郡

畫存

沂水鳳皇畫象

二石

均有題字一署鳳皇一東安王

山東沂水西南鮑家山

南武陽西石闕畫象

元和元年

四面有畫象題字在南面其東北

二面已泐

山東費縣平邑集

南武陽南石闕畫象

章和元年

四面皆有畫象題字在西面

東石闕畫象

有題字三榜在西面

同上

同上

永元食堂畫象
永元八年二月戊戌記
石裂為二

山東魚臺馬氏

王稚子闕畫象

四川新都北十二里官道西墓前

嵩山泰室東闕畫象

無題字
畫象可辨者五石三石在南面二石在北面

西闕畫象

銘文二段一在南面有額一在北面
畫象可辨者二石南面一北面一又一石不知在何闕

河南登封

嵩山少室東闕畫象

江孟等題名在北面
畫象可辨者六石南面二北面三西側一

同上

西闕畫象

額字在北面銘文及題名在南面及西側
畫象可辨者五石北面二南面二側一又
有二石不知在何闕何方面

河南登封

嵩山開母廟西闕畫象

銘文及請雨銘在北面及東側
畫象可辨者四石北面一南面
二東側一

東闕畫象

無題字
畫象可辨者八石南面四北面三西側一
又一石不知在何闕何面

郭巨石室畫象

有漢人題字者四石第三石有胡王及
永康元年泰山高令明題字第六石有
安吉及永建四年邵善君題名第七石
有相及成王共三字第十石有大王車
三字其他諸石間有六朝人題字及後
世刻字細微不可見者居多
十石外尚有石梁一二面刻一刻日月
星一刻二龍又有長方石一刻花葉前
人未繕錄

食堂畫象

永建五年
畫象一

山東濟寧兩城山移置州學

山東肥城孝堂山

朱鯨石室畫象

二十石 惟二石有題字一存朱長舒口口一但存朱字山左金石志云尙存十餘字今並泐矣

文叔陽食堂畫象

建康元年

山東金鄉城西三里石室畫象在題字之前

城山東魚臺馬氏

武氏東石闕畫象

北面中截似有字迹已泐盡西面後人刻武氏祠三字於畫象上闕左右有兩翼石高約當闕之過半闕南北西三面皆有畫象翼石南北東三面亦然

西石闕畫象

北面刻下截刻建和元年銘東面亦後人刻武氏祠三字

闕南北東三面皆有畫象翼石南北西三面亦然

西闕旁仆石

三面均有畫象

武梁祠畫象

三石 均有八分書題字

山東嘉祥武氏祠

第一石第二列題字十榜第三列題字五

王文敏公遺集卷八 土求恕齋

榜第四列題字十榜

第二石第二列題字十三榜第三列題字

十榜第四列題字十榜

第三石第二列題字九榜第三列題字十

二榜第四列題字四榜

山東嘉祥武氏祠

前石室畫象

十五石 有題字者十二石

內第二石題字四榜第三石題字三榜

第四石題字五榜第五石題字七榜第

六石題字七榜第七石題字十九榜第

八石題字五榜第九石題字四榜第十

石題字三榜第十一石題字四榜第十

二石題字二榜第十三石題字一榜

後石室畫象

十石 無題字

同上

左石室畫象

十石

第一石有題字九榜餘石均無

同上

祥瑞圖

三石

均有題字第一石題字十六榜第二

石題字二十三榜第三石後出土題字六榜

又以上諸石次第先後乃照金石萃編錄之
與石上所刻次第略殊

又祥瑞圖殘石
存一馬有題字一行但有此字及金字可識餘僅存半字

揚州阮氏積古齋

孔子見老子畫象
題字三榜

原在武氏祠今移濟寧州學

武氏祠東北墓間畫象
一石可辨題字一榜已泐但也字

嘉祥劉村洪福院畫象
一石有題字三榜曰成王周

焦城村畫象
四石王也他二石無字
二石有題字一曰周公一曰此齋

隋家莊畫象
二石無題字
山東嘉祥關廟

華林村畫象
二石無題字
山東嘉祥

紙房集壁間畫象
二石無題字
山東嘉祥

王文敏公遺集卷八
三求恕齋

湯陰山道旁畫象

一石

無題字

同上

縣署東高氏門前畫象

一石

無題字

同上

嘉祥畫象

一石
曰輔重

有題字三榜曰鉤騎四人曰騎倉頭

藏吳縣潘氏

又一石

漫滅

有題字二榜一日騎亭長門下功曹他一榜

福山王氏舊藏

兩城山畫象

二十七石

無題字

阮氏山左金石志載十六石云無題字

山東濟寧

晉陽山慈雲寺畫象

五石

無題字

同上

普照寺畫象

一石

無題字

同上

李家樓畫象

二石

無題字

同上

伏羲陵畫象

一石

無題字

山東魚臺

周公廟畫象

一石 題周公二字似後人所刻

此石今尚在周公廟殿後顏垣上山左金石志謂移四氏學當時殆已令而未行也

山東曲阜

聖廟畫象

三石 無題字

何時從何處移入予曾摩挲其下未見

拓本

同上

衍聖公府後門畫象

一石 無題記

同上

顏氏樂圃畫象

二石 一石有楚口口平及諸從官共七字他一石無

此象先在白楊店東嶽廟其無字一石初藏兗州劉氏

同上

成王畫象

一石

題字一榜曰成王

山東曲阜歸福山王氏

西鄉關廟畫象

四石 無題字

山東汶上

南門城垣畫象

二石 無題字

同上

城南十五里石橋畫象 四石 無題字

同上

城東十八里石橋畫象 七石 無題字

同上

殘畫象 題字存更封二字

山東兗州歸漢軍許氏

師曠墓畫象 口石 無題字

山東新泰城東墓前

角樓村畫象 三石 無題字

山東益都

君車等字畫象 一石二面刻

其一面有字五榜曰門下小史曰鈴下
曰君車曰主簿曰門下書佐他一面無
字

山東臨淄歸濰縣陳氏

伏生授經畫象 一石 無題字

山東蘭山右軍祠

八角墓石室畫象 一石 無題字

山東沂水袁家城子南

交良村殘畫象 一石 無題字

山東沂水黃氏

琴亭李夫人靈第之門畫象 一石 有題字

山東蓬萊張氏

泊干村西山墓間畫象 一石 無題字

山東蓬萊

朱公鋪村南畫象 大小三石 無題字

山東費縣

洙龍橋畫象 三石 無題字

山東鄒城

无染院畫象 一石 無題字

山東寧海州

成王畫象 一石 有題字已漫漶

山東歷城西關外十王殿

州署畫象 一石 無題字

山東東平

州學畫象 一石 無題字

同上

周穆王見西王母等畫象 八石 第□石有題字

山東□□

射陽畫象 一石二面刻

其一面有字三榜曰弟子曰孔子曰老子

王文敏公遺集卷八

古求恕齋

江都汪氏舊藏今在江蘇寶應畫川書院

夏鎮畫象 二石

江蘇沛縣

高頤東闕畫象 三石

西闕畫象 二十五石

西闕右側小闕畫象 十一石

四川雅安

上庸長司馬孟臺神道畫象 二石

四川德陽

交趾都尉沈府君神道左闕畫象

在闕側
龍銜環形

四川渠縣

北屯司馬左都侯沈府君神道右闕畫象

同上

同上

丁房闕畫象 二石

四川忠州

澠池五瑞圖

摩崖

有題字

甘肅成縣

王文敏公遺集卷第八